

養知書屋詩集

自序

予自三十六七以來遂廢詩文之業蓋謂今之爲詩文者徒玩具耳無當於身心無裨於世教君子固不屑爲也洎引疾歸田深惟古人立言之義頗思有所譔述而又被

命出山乃使吾心所鬱蓄曾不得一究所業以質之後世泯焉以終身拊心自惜其何能已將行乃取甲寅以前所錄存古今體詩九卷屬之仲毅叔和兩弟與景喬研生兩詩老其點定之存吾詩二三卷於世其他文散帙未選錄者約爲四束納之簾中異時或金玉之糞土

之以待千秋萬世之審定不必汲汲自表著也時壬戌
秋七月十有八日玉池山農郭嵩燾自識

養知書屋詩集目錄

卷一

古近體詩四十九首

卷二

古近體詩六十三首

卷三

古近體詩五十二首

卷四

古近體詩五十七首

卷五

古近體詩三十五首

卷六

古近體詩五十四首

卷七

古近體詩五十五首

卷八

古近體詩五十九首

卷九

古近體詩九十首

卷十

古近體詩七十四首

卷十一

古近體詩七十六首

卷十二

古近體詩七十五首

卷十三

古近體詩七十首

卷十四

古近體詩七十七首

卷十五

古近體詩六十九首

養知書屋詩集卷一

湘陰郭嵩燾筠仙著

曉行

山光辨樹影江勢散風濤曉色趁人至幽懷隨所遭墟
煙斂藪薄村路出蓬蒿莽莽萬家夢焉知車馬勞

黃陂道中阻雨酬鄧

庭枏

孝廉

十日塵土眼乾枯颯然一雨毛骨蘇平原突若海水立
盤旋微見蛟龍趨我時苦溼轉窮疾倉皇走覓酒家鑪
燎衣熱火坐小閣寒聲謾謾鳴庭梧茅簷下注如潑墨
中有雲氣隨模糊君詩方成出示我相與命酒窮追摹

孤鐙依壁黯欲墮猶聞林氣翻
菰蒲夜談盡漏車響鐸
宿霧捲盡嘯簷烏晴天閭闔萬里動
惟見曉霧低平蕪
春風吹園雜花遠高車大馬從歡娛
豈知濺雨入頑骨
擁褐坐對供嘲諤江山青空日月白
勝游能幾身羈孤
還將詩句鬪強健揮毫灑壁聊須臾

平原道中

山榆葉響亂鴉翻古市微寒晝掩門
寂寞無人言相士
滿天風雨入平原

大風行同楊性農和孫芝房

黑雲壓地如揚旛驅逐萬怪踰跟奔
白日無光晝陰慘

狂噓毒瘴霾乾坤幕天帟地氣不洩咆哮撞擊馳平原
百圍竅穴號一噫勢若橫海千波翻我車掀輪馬折脛
槃姍頓蹶投荒村林聲蕭蕭聞人語老翁扶杖調雞豚
怪我顏色何慘變款客入戶風支門僕夫僵手崛強立
意似倦苦愁輪轅燒鐙呼茗救寒餓滌腸盪胃蘇殘魂
須臾霧散羣山靜啼鳥喚客看朝暾

過黃村

浮雲薄暮有高心歸鳥投虛亂入林斜日滿村門盡掩
柳花飛處晚煙深

游龍泉寺

養知書屋詩集

卷一

二

古寺森喬木炎雲翳景光
頽陽慘不驕振襟生微涼
入門風謖謖長松間修篁
灑然落幽響飛鳥鳴且翔
虛堂漏白日清影回長廊
園花過宿雨晴景烘餘香
高樓涉飛梯矯首青天長
蕭條蒲葦秋積水平茫茫
層城鬱人氣幽想落清湘
歸途振衣塵浩歌懷滄浪

陶然亭遇雨

城西愜幽契飛蓋游以盤
斯亭敞晴構繚宇回長闌
高松四羅列凜凜生夏寒
清風颯然至浩若江回瀾
迢迢西山雲屈曲蒼龍蟠
飛雨盪長空萬派走驚湍
初疑雷擺石砰磕落高灘
琤琤萬木杪側注如跳丸
簫鼓羣飛

揚奔泉灑長巒翩然眾仙下雜珮搖琤珊驅車整歸裝
斂衽追清歡奔雲蓄餘怒飛霰浩漫漫泥塗蹇我躬惻
愴行路難

得家書

離家如過雨憶家如畱雲突出無端倪萬緒徒紛紛書
來忽心注雜想已風分所思迅若忘一見定百聞慮散
還復歎獨鳥思其羣南陔夙所慕奔走意何云變遷在
時序一雨羣花欣我何委泥塗念此如重醺

荒田不盈畝衣食歲有須雨暘及春晚稻苗亦已蘇入
夏江淮溢勢迸溝澮趨高者未及收卑者爲具區東南

昔開墾地勢爭江湖辛苦供蛟鼉或以飽鵜鳬慘聞瓠
子決更苦流民圖告哀人不聞悲歌亦何迂幸及高原
熟稍免全家呼逝從隱園隱老守愚公愚

生男多歡喜生女多哀憐昨夜夢爲蛇兆見太人占墮
地云抱子居然一女先開書心展轉喜定淚反潛自我
去鄉井親老意淒然旦夕念抱孫庶以慰拳拳低徊應
其惜婦女喜或添有酒知還賀銀鐙照華筵他年見阿
爺行解乞花鈿何當學烏哺飛歸墮爾前

黎丈

吉雲

侍御見示近作戲贈

文人好譽詎爲病祇君一意皆天成向人崛曲自偉論

語有獨造心怛怛繁星夜嘒鐙照席繞階顧步參河橫
甯甘屈塞向人世天馬仰空時一鳴

太華三峯削空秀意境傀怪誰能攀試摩絕頂造諸險
忽若平澹通天關霹靂出手不爲異旁人愕視疑神姦
岌巖此境到豈易嗟我欲往愁空還

野人來往不計日仰見日月知朝昏尋常一控青絲轡
時復逃歸橫木門空山磬欬亦罕得焉有美論同傾翻
見君飛動背君歎眼前相值宜高言

秋蟬

落葉不可抱苦吟哀豈知淡煙浮暝色殘雨咽枯枝霜

信驚還速鄉書達每遲並傷憔悴眼何事與秋期

金松茹烹茶圖

松濤捲雪天風乾秋氣透骨森肌寒庭陰漠漠蟲鳥靜
茶煙裊裊蛟螭蟠我始逢君已心渴竹裏飛泉如乳潑
品茶但取旗槍新洗耳不聞絲竹聒隆崖傑閣撐青空
飄飄兩腋生微風明朝張渭觴李白應誇韓安知盧仝
晏雲唐和坡老岐亭詩至數章人多誦之用其韻以贈
晴光盪天海凍色熒露汁驚蟬抱秋鳴老兔滑雲溼幽
眺快千尋古歡懷一得心勤山水赴趣奪風雨急疏箔
動銀鰕暖香溫寶鴨竹響雜清湍松陰篩翠霧手試煙

煤明坐對霜林赤四壁閃空青滿庭積虛白醉舞每墮
髻豪揮猶岸幘木落見峯攢石咽聞泉泣模糊月弦墮
指點花陰缺低昂足晨夕錯雜忘主客友禰已忘年和
陶其編集

雨晴出遊用岐亭韻

縱橫玉局游傾倒金壺汁寒噓日色薄晴漾苔痕溼清
酣赴今賞眩惑迷前得雲馳旌旆翻風戛箏絃急過樹
響山禽又魚觀水鴨蒼崖綴霜華紺林擁煙羃桑果殿
秋紅埴墳通嶺赤平池菱實熟積隴棉花白彈碁每席
地沽酒或脫幘日暈海棠羞露泣芙蓉泣百眺足千歡

四美無一缺山川狎游主魚鳥趣吟客歸來得暝契觸
眼峯巒集

仍用岐亭韻述別

日出東井間五緯因相計是時冬寒臻霜積簷溜涇林
臥及初沍斂退分所得帆趨心迸躡艦突水爭急倏聚
如蟲鰈迅散若鳬鴨波光動荻蒲人影隔簾幕橋通龍
脊寒霞落魚尾赤終風捲日下急浪回天白驚顧喜而
哈頽然整我幘長虹寶劒舞白晝饑蛟泣我生寡見聞
及歸收廢缺硤硤已窮年紛紛仍上客世事愁沮洳吁
嗟百憂集

除夜寄懷曾伯涵兄劉孟容兄

悠悠迫殘年蹙蹙悲短景低簷爛明星人聲騰夜永殘
鑪擁商陸投閒得佳境陰陽暗相薄天風豈能靜聊以
酬歲時中宵醉醕酎悵忻忽而半如機巧相引感時物
則然於人豈蠢蠢念茲平生友飄泊各蓬梗曾君志方
強高軒奉朝請寒風攬我襟對語一甌茗探懷出新製
孤松削秀挺倏來去亦迅敲石散一瞬劉子走荒山繭
足那能騁納眼無今人見古始光炯近時韓伯休歸廬
事幽屏精心窺聖奧持律方嚴緊交呂旣軒渠友范亦
脩整曩游憶衡峯飛步思巧逞鬪健輕千磴縋險有諸

嶺常聞禹穴奇踏崖勤睽審苔裂滄蒼雲石豐流寒瀟
雷硯泉墨潑注盪山翠飲鉤心事擺磨啟窾生虛噤於
時各少年騰踔眞自幸去歲舉於鄉獨上浮春艇矯矯
曾君行離離動鞭影突發若爭鋒兩騎相蔚炳我足蹶
不前故人已臺省葭依且旦夕緇汚其衣衽劉生方苦
吟汲水依故井以書來慰藉藉席得安寢假歸及冬寒
踴躍晴天迴飄風起旬哮吹散鞅與勒揮手就我廬及
茲息踵頂今冬復追及昨事都俄頃或爲行霄鶚或作
號秋蚓而我方瞿瞿愁寒抱孤枕亦欲學藏弮興澀嬾
未肯惟有默尋思恟恟難爲諗蘭膏煎長明竹火響虛

警雞聲無遠近相助攪清冷蠹盜屢前陳妻孥意或領
古人去家室離懷苦不拯安能長今夕不寐心耿耿
入都示仲毅叔和兩弟

遠行意先傷待曉夜無寐古壁黯孤鐙人影忽在地悽
切此時心慷慨平生志疇昔公家徵臨風振冠珥壯圖
有乖互茲意漸失墜連歲疲塵勞奔走令魂悸蕭條聞
夜雨相對各顚顚

僕夫促曉發出門意遲遲遲遲心有屬相顧且須斯昔
別雖云悲歲月猶可期今別豈殊昔難言歸幾時遠游
自特達所憂斗與箕寒日方杲杲眾星猶離離且當從

此去艱苦當君貽四方君不免無用還相思

老親念行役暗泣倚幽闥首先問歸期不復計窮達功名夙所存私愛豈能奪以此室家情悵彼江湖闊雨雪行罪罪木葉黃已脫浮雲隨遊子淹忽其天末堂前樹萱蘇手凍不可拔祝君潔洗腆慰我長飢渴

前年京國歸所歷多邅迍升堂問諸弟痛哭嬰煩冤哀此人事變奪我骨肉恩始別溼行裾今歸號寢門拭淚語兩弟守耕慮無煩一頃或難謀一椽苟相存斯言君儻憶何爲復走奔窮年席不煖欲挂聲先吞存者有別離亡者將何言

哭蕭韶

韶死京師屬後事董君張翼且言僕者某所好能以
詩哭某使人聞某死哀之卽目瞑矣泊僕來京師韶
死五月曾不知聞董君言哀而哭之以終其意

君其腰腳頑投身恣騰踔三年行次且九死添飄泊假
君臀無膚終然苦束縛或者全其生騰空逞虛度始余
年十六誦詩知大略如彼鳥鳥烏強作雞膊膊觥春灑
滂霈獵捷恬鋒鏑角險交砒根乘酣迅穿鑿哦山力每
疲浣壁心或作君時獨見昨就我相要約出其所爲詩
結構存斟酌溪湍蹙潏沆峯巒擘秀削引今能導窾控

古每批卻前疑燭九幽往往發其幕真機引敷柔老氣
森噴薄唱酬兩弟昆後先相煜爚余時虱其間交與爲
然諾戈盾或分馳旗鼓得犄角神鬼鬪槎枒垠崖事銳
斲躡峯矜矯捷解衣肆磅礴或驚翔兩鵬實則君一鶚
前年貢成均逶迤向京洛予同忝嘉招崎嶇雙馬躍一
接勢俱挫獨前氣亦索予力持以歸君方顧而愕馳驅
吾分耳生死固歸落觀其竦兩肩倬傚神先弱終知投
魑魅曾不自察覺迤邐信天窮作孽不可活槁老猶飄
零其猶風隕籜蓋棺事則已塞冤罰亦虐祇今弟與昆
何以慰酬酢款款同生生死君所託邱塋慘遺屬風

沙渺河朔沈魄閃燐飛酸骨歸繭絡終投獠蠱鄰差免
狐狸攫祇茲夙所癖到死猶咀嚼遺言爲悲愴隱慟入
沈著銜冤首陽高漬淚桑乾涸招魂係之辭山鬼啼幽
壑交情雅道盡持以付冥漠一詩相始終書空自捫摸
秋夜曲效溫飛卿體

鳴機軋軋風淅淅流蘇輕捲芙蓉色明星飛影入呆思
簾波不動鰕鬚直鉤闌秋草暗黏霜玉妃手捉寒兔匿
轆轤雙挽虎牽絲溼銀注井甕促織網軒不隔笛聲飛
倚戶遙聞聲太息南鄰夜飲歡樂多冰槽雪腕柰愁何

次韻李

仲芳

孝廉

讀君嶽寄之短句使我瑟縮不可當離離鐘鼎鬱古趣
冉冉蘭芷生殊香跌宕湖山日照灼激昂天地雲飛揚
狂歌一曲足君意瑟瑟清風來四旁

示從弟象文

我拙將毋木石頑子才真可破天慳一斑窺豹文猶隱
萬弩回牛力豈孱不合經營三畝外可容位置二劉間
舊遊能說吳中事煙雨迷離萬笏山

哭李春和

天意竟如何斯人已逝波幾年悲道路一夕渺山河死
訣浮雲滯生傷夢雨多別時猶慷慨歸日已蹉跎

早歲聲名共頻年契闊深偏君能特達何處不招尋夜

泛魚龍水春歸鳥雀林生平詠蘭句初意竟銷沈

往題其畫

蘭句云升沈莫更從人說多恐同心不似君

落木殘秋意風搖晚更誼極知傷早慧不敢問煩冤伏
枕諳愁思拋書漬淚痕別離霑袖意今日向誰論

南湖洲阻風

舟行向陽曦雲景睠清曉寒江捲宿霧野色薄晴昊奔
風何自來濺浪浮空淼頽雲雜波濤四散如飛鳥挽舟
向孤墟遠出喬木杪秋杉隱篷背人煙散林表蒼茫湖
外山戢戢峯巒小浮天有遠浪避地得孤島散髮江之

湄誅茅聽風筱

沅江雜感

大澤沈吟客思回，漫天風絮卻飛來。
荒城早暝連山暗，苦雨餘花入夏開。
一劒買牛須早計，六鈞射鼠自羈才。
爲尋招屈亭邊路，斷石荒涼沒草萊。

渚蘋澗芷不須論，斷岸年年過水痕。
江路飽經諳港汊，石橋環住見牆垣。
一星魚火溪西夜，千點鷗波雨後村。
天靜月明人萬里，酒瓶欹側待誰溫。

近水浮家不自聊，十年民氣半枯凋。
竹杆土鏹流離屋，木酪蒿羹黯慘宵。
壞壁雨多春出菌，廢田草長暖抽苗。

狂夫儘有雄豪夢夢駕長鯨控海潮

晴湖釀作晚春寒伏枕南園景又殘小苑棠梨紛委架
他鄉風雨賸憑闌儘教公論推龍尾肯信浮名值鼠肝
問訊故園新長竹何時歸斬釣魚竿

晝長

晝長賸覺客情孤細雨纖纖乍有無密樹安巢聞啄鵲
破窗綴網看懸蛛勞心遠道人何處刻意新詩貌已癯
強作東坡畱滯語經營身計一生迂

寄懷

轉逐流光日拂衣蕭蕭短鬢幾時歸客情似水常東注

鄉夢如雲盡夜飛上架殘花蝴蝶長到門新漲鱖魚肥
應知此景都看過日日牆陰下落暉

晚登岳陽樓值雪

大雪滿天地高樓生暮寒波濤春浩渺城郭夜瀾漫畱
滯逢多難艱危博一官東風吹客眼三度倚欄看

禱風石頭關武侯廟

南下江陵水出沒雲濤堆東望武昌城隱見吳王臺魏
帝翦羣雄虎視江之隈長波駕巨艦蕩蕩旌旗開周瑜
及黃蓋豈乏經綸才反覆議戰守成功亦難哉臥龍初
崛起定策自西來沙蟲與魚鼈一舉成寒灰深謀莫測

識後世存疑猜沈沈觀風壘夜半驅雲雷天人感召微
此理良恢恢何必祈禱功劃然神鬼回今我復拙謀顛
倒成凶災洵波負兩足浩浩相誼豳舟人勸禱祀醴酒
躋崔嵬吾道惡私營苟便非良媒武侯英雄人遺蹟猶
榛萊不應杯酒閒窈窕趨塵埃定心無一營竟日畱徘徊
須臾風力轉揚帆著高桅舟人咋有神亦足供歡怡
古人事茫昧遺民爲興哀悲歡兩無施孤坐傾尊壘

河南道中

二十餘年感慨多自嗟精力已銷磨高城鼓角東臨汴
落日風沙北控河久賤略增人閱歷苦晴偏值雨霽沲

詔書南下求民隱攬轡從容一浩歌

雨

終日雨不止僕夫飢更噉兩年深苦旱一雨復含悽河
廣不可厲夜深何處棲茫茫遂春晚猶及麥禾齊

二月八日雪宿蘭儀

萬戶流亡更幾存平沙無路問河源居民小市畱人住
野屋西風搗雪翻終日忍飢纔一食十年扱履向何門
旌旗飛動關山遠破帽輕輶共主恩

趙州橋

土室無光輝村廬得八九石橋平倏倏高樹蒙槐柳速

郵凍犀睨狎浪饑蛟走到今萬輪蹶摧折亦俱朽連年
暝早憂焦傷到藜莠盤餐供草豆果腹非適口客廚問
豐味藟菁閒黃韭羅列始一盂吞拏極眾手人餐權百
錢纍纍校尊缶箕斂與頭會一例欲誰咎刻剝供官倉
生成爾何有道途向昏黑天地積埃垢鄙夫得一飽平
生能數否區區爲身謀所憂媿升斗乾風號野屋攬涕
更搔首

隆興寺

百丈金銀闕莊嚴上曙光祇園仍六代遺碣自 先皇
樓閣春雲護松篁曉日涼游觀半天下心折此徬徨

北河展楊忠愍公墓

明祚嬰多故，構難盛奇蹟。
楊公磊落人，曰豈事溝瀆。
生平褫兩姦，高論排鈞軸。
整冠伏青蒲，引分甘折辱。
激昂壯士肝，不救蒼生哭。
委身向西市，遺冢茲山曲。
巍峩一坏土，自古禁樵牧。
滄桑有更變，荆棘日敷簇。
穹碑湮寒泉，剝落亦孔速。
展拜蓬塊間，迴立天地肅。
鈴山自邃美，未要汗採錄。
寥寥古賢心，名聲積簡牘。
豈必憂變遷，高下隨林谷。
浩歌激古烈，高視薄今宙。
惻愴松筠居，疏煙挂喬木。

湯陰岳鄂王廟

城上風竿散晚鴉
鄂王遺烈隱吹笳
故園父老依青帳
絕塞衣冠望翠華
北伐朝廷空有詔
中原鼙鼓已無家
黃龍落日應回首
異代鄉關寢殿斜

唐丈太常二圖

守平樂時防
江華徭警作

五原學舍圖

聖賢久寂寞
夙暮用警省
闕宮亦羣遊
堂奧叢榛梗
小辯飾蜚蜚
龙言雜蛙黽
各師心得賢
何從別燕郢
桓桓太常公
約轡無浪騁
平生閭洛交
洞古發光炯
直窮聖心源
屹駁歸峻整
竊冥回幹力
足以伏頑獷
藉公襄密勿
經綸得要領
何況侏僂人
近接旄麾秉
鬱林古荒郡

竟西蓄石嶺置官尹颺猱鞭撻尙鷲猛峒獠雜伍伯分
屯散連永楚人鬪一鬪櫓槍沸東井縣連皆曼俗其勢
善虛警我公示約束椎結氣先屏一言戢禍萌定策在
俄頃此誠可漸摩如苗實含穎遂通比景南影撇精廬
影想見陶淑心造意無人境政成高其翔暮年暎臺省
奉常漢職司廷議容骨鯁豈徒慕丁桓庶睹崇魏丙羽
干事難論懸楹駕文杏吁嗟五臣業夔也抱清耿獨令
守鐘懸至今爲齒冷衰顏日蹉跎正學爲贅癭壯公崇
道術遇事取自靖圖形起蒼梧肅拜瞻邴邴作詩激頽
頑持用祝噎哽

十月戎行圖

蒼梧國小荒百蠻崑崙障天通天關昭潭老守有道力
氣壓萬猛安如山臨賀城邊夜吹角雲梢摩盪朱陵間
楚人轟呼粵人舞豈免同類爲驅獮樓船將軍下浯水
斬刈不肯遺草菅此曹習捷鬪身力自古用法同鞬閑
鳴條聖人舞干羽不聞垂拱憂苗頑飛章走馬到山寨
百酋羅拜弓彎環塹山堙谷扼要害一洗伏莽無畱姦
飛鳶墮水人徑絕巉天萬嶺何由攀枕榔月黑霜沒嶠
懸崖躡鞢溫且閒書生膽智乃能爾老氣宜卻熊羆屏
古來攘外先靖內品類得理誰敢干邑道有猾問長吏

指揮鞭撻無後艱前年邊海困小寇徵兵轉饟車班班
漢家戎事倚衛霍徒聞龔遂蒙詔還徭人日久厭兵革
黃肩倒挂無人彎用思州邑得人效邊氓都士俱歡顏
先生義勇出道德今之圖畫何都嫺終南射獵身欲老
殿上奏策時猶慳願持此議效輜采天高聽遠無由扳
陳三兄太史源克屬和悼亡詩

陳君有良匹婉婉匪一朝百痾殄其躬悼念不自聊請
陳所悲哽用代巫咸招去秋事反覆朝日值元枵遘厲
殷牀席沈湎錯昏宵扁盧萬其口莫能究根苗蹇蹇房
闔閭生死久所要刀圭難爲施剖肉相和調疾者霍然

失觀者神沮消正晝鬼伯泣鬱鬱慘不驕華顏無復光
朝露委先凋喟予感斯烈厥生無所徼則知聖哲心千
仞凌嶢嶢古人骨慘澹一一飛燐燐日月老鞭笞聲名
死闕寥彼惟忠烈資傳之眾口囂區區體魄餘何必期
松喬陳君勿復悲命分各有絲婦人飽糠粃所職則織
幺當其剗刃時感激輸膏膂蒼皇走雷霆瑟縮失賁要
丈夫顧盼閒俯仰輕塵霄腰下鳴佩玉頭上冠金貂委
蛇不職事泛若萍蓬漂斷吭未云報死骨空湫漻豈伊
輔微躬營身友鷦鷯炯然彼婦心不受眾口漂君勉事
此意萬一猶可慤庶毋覩厥室瑣瑣叢譏嘲柰何費晷

景日夕以怊怊感歎陳斯章有采視芻蕘

次韻王兄子壽比部雨過曾伯涵學士飲

車輪窘地軌復摧落葉雨急當空筵層城鬱鬱填華屋
一夫抵掌千人哈腐儒衰晚謬朝籍或恐侈泰生凶災
深瓶貯水洩雲霧吐納萬有舒兩顙雨塵灑面閱紳雋
裹足入戶仍鑿坯偶乘款段踏朝鼓泥汗滿頤何來哉
曾君老屋隱城麓畱君一笑芳尊開磨刀霍霍向葵笋
傾壘瀉寶爭誼厖法曹下直自嘲謾堂上一諾顛春雷
平生讀律心語口昏墊豈爲吾民哀閉門高歌出金石
東鄰夜愕西家猜百年風雅路榛梗及時漢道方宏恢

我生貧賤眾所易一月枉顧能千回未覺蜚蜚殊蟹足
強呼章舉齊豹胎人生分寸各有執詎可校量腓與脢
營營一飽爭雞鶩萬足攢聚驅還來誓除人事從君隱
有田不歸如此杯

養知書屋詩集卷二

湘陰郭嵩燾筠仙著

出都雜感

東望悠悠一愴顏，浪游強似故鄉還。
清秋落寞衣冠別，白日深沈虎豹關。
錯轍驚沙連雨雪，譙門曉角夢雲山。
淮南米價無勞問，儘放長塗數日間。

碣石盤陀突騎橫，高秋海上耀綏旌。
似聞使者持金節，早見司農計水衡。
萬里島夷浮水至，一星參伐傍霄明。
旅獒不入王都貢，坐見煙塵四海清。

虎車蛟轡拜恩殊，大旆飛揚夾道驅。
但論勤勞輸陸賈，

東坡先生詩集卷二
誰能談笑似吳瑜轉輸先見愁飛粟責賤微聞再剖符
終是聖明天子事和戎魏絳豈疏虞

高城斷角曉來誼藐是流離不復論枚叔祇應思茂苑
張騫翻見出河源防秋士馬西風慘橫海蛟鼉白晝昏
磨盾從戎真自許好談形勢向鯨門

兩麥全虛草半黃行邊積水野茫茫竹花木酪尋常見
麥麴山芎自在嘗壓屋蓬蒿老樵悴依人燈火照蒼涼
雨聲細數消殘夜早聽當關報曉霜

梁山風雨夜深愁歲晏因人復遠遊寸草孤雲誰共託
濁河清濟祇同流檣帆東下無畱浪雲夢南迤又數州

眼見蔘葵洗涼露苦思苴菽嚮殘秋

三間民屋枕湖陰白日看雲憶故林家法祇今思酪乳
人生到處有商參武安路隔蘅蕪夢上谷霜沈木葉砧
冶卓竝黎誰得似翩翩書記走陳琳

西山相伴向時容落日寒雲更幾重一語和凝知范質
十年任叔憶黎逢春池樹老雲翻鵲秋雨寒多葦化蜚
未免平生知己淚高梁河畔水淙淙

聲名天半鬱飛騰閭闔晴開路幾層豈料左川一歸客
又從東道試行滕海南翠羽夷通舶夢裏黃河馬踏冰
多少關山征戍苦淒涼古驛對寒燈

長年多病奈秋何盡入梁鴻五噫歌楊柳官程諸郡隔
菊花天氣夕陽多關河略界唐封遠越鶴虛傳漢節過
準擬看潮東海畔樓船無數正橫戈

聖湖東畔若耶溪道路傳聞尙鼓鼙白日昭昭如我待
行雲眷眷傍人低長楊灑落畱新著古寺招尋記舊題
獨下翻空黃鵠侶明朝終見隔雲泥

百年景味寸心遲浪跡登樓此日悲人去人來如昨夢
秋風秋雨失歸期往時醉草三千牘愁裏歌思十二時
破帽疲驢吾有意釣竿攜挂五湖湄

豐樂鎮書壁六首

壁間詩六首蓋悼亡之作末署牧莊意其字也姓氏
里居不可詳西夷內犯略其家其妻投水以死詩辭
婉咽惻惻動人既讀哀之依韻以墨其後庶來者之
有知與

三年滄海有奔鯨烽火誼闐徹夜驚復道金縢歸浩劫
枉從狐鼠乞殘生魯連無語摧梁使季布何心續虜盟
欲袖鐵椎推晉鄙從誰改將信陵兵

百丈飛船上海濤 詔書專下擁旌旄煙沙隔水千軍
臥弦管連營一曲操老將雲間歌敕勒宗臣江畔泣離
騷杜陵偃蹇干時策淚灑將軍大食刀

消息天涯怯浪傳
晴雲曉日照樓船
金戈鐵甲縱橫地
墜舄遺釵黯澹天
麗質半隨塵土盡
捐生差勝長官賢
出山波浪嗟何惡
太息涓涓瀾下泉

差戟銅柱倚搏桑
海水東流路更長
烈火煙埃人散亂
空城荆棘雨淋浪
數行旌旆塵生海
幾處衣裾淚掩霜
飽載西施憑一舸
更誰持戟畫巖疆

去住雲山寄遠身
至今遺句尙酸辛
望夫欲化何山石
蹈海翻沈五島春
誰續人間將盡命
尙遲天末未歸人
當時將卒俱輕死
坐見唐虞道返醇

蕭條宋玉有微詞
一賦秋霖萬代悲
自古成仁有如此

卓哉女子爾何知森嚴門限誰摧壞流落家人幾別離
今日當關戈甲偃補牢雖晚未嫌遲

齊河驛

連山鬱盤紆遠勢紛參錯朝宗弭節趨萬嶺茲回薄重
門啓陰闕修塗入巉削祁祁鹿走林委委蛇赴壑憑陵
秦岱尊勢壓天一握中原低落日青蒼入寥廓北趨齊
魯道渺渺見城郭蕩潏層雲顛星斗向空落山遊試艱
險巖句待鐫鑿

夜宿章夏

嵐光澹秋陰暝色薄西崦崖華臥石延野火寒煙閃盤

盤徑喬基歷歷度岡隄齒齒蹴熊狐耽耽突獠獫驚疑
撼辱豁森木互磨颺缺月吐還吞殘雲翳復斂涉險誠
乃劬憑危豈云憊宵分暗明燭屋脊露崇巘故園阻江
湖老屋圍桑廩依違旅程愆寤寐歸期踐問言儻何之
山雲竊所覩

奉高城樓望岱

嶽勢東趨海憑陵萬里天雲霄一握近日月兩峯懸暝
色孤城雨秋陰老樹煙向來飛動意託興渺蒼顛
遠勢南樓峙諸山拱此門濟河遙會合齊魯入藩垣黃
腫秦碑古東封漢時存因緣窺良嶽遺石尙雄尊

合沓靈宮樹千秋望翠華晴天出雷雨陰壑闕龍蛇想
像金銜肅流傳石碣斜青珪天子事分遣使臣車
海上干戈動憑臨向晚愁風雲會諸嶺鷹隼下深秋言
訪徂徠宅虛傳博望游無心問歸隱迴立爲淹留

謁岱廟二十二韻

神秀開重閼昭回重一方之采形起伏海甸勢悠揚夾
陛鉤陳外崇邱駘蕩旁雲煙輝閣道日月動宮牆丹瓦
朝涵露楨林夜掩霜千年森檜柏一徑表松篁山石階
前古莓苔雨後光蒼藤斜鳥沒畫壁老蛟翔秩祀非常
典分封自古皇上清通戶牖至德配馨香策簡邀天顧

昭函補樂章洪鐘聞叩叩猛虜列趙趙石鼎消煙久風
幢引鑾長流傳餘舊碣展拜肅斜陽王者昭恭儉天威
久肅將告成兼赫奕傳語誦琳琅容易千秋事虛無七
二王徒聞頌功德何以紹義黃九殿螭龍氣羣山雁鶩
行循廊尋結構動魄凜趨踰巨鎮全分魯涼飈已轉商
難忘憑絕頂倚杖叩穹蒼

金山寺閣望焦山

何人挾山墮江中江波不動蒼煙空飛帆走逐二千里
半醉起踏蛟龍宮丹霞翠阜晃相射石級倒挂垂天虹
飛樓跨空望東海滄波怒捲號長風焦侯隱處有遺蹟

杳杳孤嶂攢青楓欲求中冷一勺水洗眼看日扶桑東
洶濤隔斷盤陀石惟見碧澗流奔洪南屏北固落天外
雲氣往往相交通塵緣夢想孰非幻一笑歸逐南飛鴻
定香亭雪用東坡聚星堂雪韻賦禁體

峭風過樹接敗葉昨日苦寒今日雪正愁酒冷爐火暗
莫惜井凍瓶絃絕官鼓初沈鴉雀集屏風對亞桑竹折
微燈閃座翳還吐積霰飄帷明復滅側勢斜衝危檻入
濕煙徐漾回風掣泉源走石峭生棱薜荔侵牆寒點纈
西湖半落水浮盃東閣重開雲散屑海烽照耀旌旆愁
世事飄轉風花瞥醉時歡賞醒時歎古人勝事今人說

汝南號令傳呼急凍手觔沙冷如鐵

水西門春眺效溫飛卿體

浮橋野漲平如掌狎波一葉飛輕槳流鶯嘯曉柳花眠
湖上晴多風跌蕩游絲金鈴相背過玉鞭梢動春枝響
垂虹倒吸白浪飛細塵撲地迎人上碧草如煙暖岸沙
河豚出水蘆芽長南村春起蠶方眠裊裊桑條三百丈
六和塔

海門江一束孤塔領羣峯城郭遙浮水雲山入倚筇潮
聲過渚石暝色赴崖鐘欲訪棲霞寺寒煙深幾重

金華試院雙柏歌

堂前古柏兩蒼龍來自縹緲之雲峯欹簷偃蓋立突兀
老幹戛鐵鳴琤琤深山大壑愁荒遠來與世人同偃蹇
百丈雷霆蕭鼓夕兩株霜雪蓬萊苑陰風攪地白晝昏
萬鈞一石支孤根虬螭鬱怒崖窟裂鷹隼搏擊雲濤翻
櫟園不爲斧斤計荆氏已作高門櫨安知對立奇崢嶸
蒼茫自閱人間世

沈隱侯八詠樓

清眺展芳辰晴光發妍媚絕磴緣城陰飛甍落雲背奔
飈危檻入渴日蒼崖墜城荒鰕菜賤江闊颿檣萃人民
幾銷歇山水餘恣肆沈侯有遺構攀登入幽邃蕭條八

詠樓聲蹟千年閱榮名累賢達今我固顛顛

衢州夜雨

西北浮雲東去長孤城四月雨浪浪高穹黯澹平陂白
夏麥漂流春草黃半夜風濤沈鼓角扁舟江浦夢瀟湘
干戈愁疾俱難遣酒醒三更淚數行

嚴先生祠

桐江清且漪水激山盤陀沿流展幽祠遺跡山之阿崖
花動水葉澗竹鳴風柯慘澹中原爭巖冰渡滹沱獨持
三尺竿垂釣清江波展足動星辰高視收關河迢迢富
春渚夜月空煙蘿寒泉薦叢蘭清池冒圓荷江流無還

期幽處浮雲多徘徊千載間淹忽傷如何

釣臺

釣臺高出雲下有浮雲宿寒泉浸蒼蘚微雨鳴修竹絕
磴五千盤轉壁三百曲崖回縱騰掉江折困纖束峩峩
子陵臺俯視羣峯伏一氣走青蒼萬嶺互渟蓄堅寒太
古石峭瘦萬年木日月逼巉嵌霜雪漬危蹙蕩空生微
靄俯仰媚幽獨一笑桐廬江潑醅漲新淥

羅學使

文俊
紡車課讀圖

泉亭老屋交長藤湖波黏天暑日蒸涼颼颯沓生秋綾
攬圖注視回欄憑方冠博帶坐橫肱飛雨灑壁風搖鐙

誰歟紡者髮髯鬢起喟而歎淚相仍少孤左右無監丞
孤幃黯對相恤矜茹蘖不苦寒齧冰辛勤夜課簡與繒
苟有弗率心兢兢一朝奮若條解鷹百二十人巡殿升
排頭鱗鱗摩觚棱臚句一諾風雷騰如晉楚視曹邾滕
出冠其曹猶超乘軒然持節秋波澄秦關隴棧車較較
厯海又見南溟鵬挈綱提網賢俊登有蔚而起日烝烝
沍陰涸日秋光凝羲和欲挽無長繩窈窕深谷還爲陵
晨羞夕膳嗟何曾作圖示後匪漫稱促筵命盞酒如澗
老氣尙欲層霄凌我少貧賤鮮所能歸求淺水理寒罍
念此騰踏氣復增孤寒與古爲師承高張遠厲此其徵

我爲起拜手拊膺題詩著紙成嶽嶂俾頑者立懦者興

送王

榮澤之荊州

霜露侵人鬢天涯有別離江平流日急天遠度雲遲歸
夢人千里狂歌酒一卮扁舟吾道在長路且逶迤

東閣梧桐樹二年對苦哦寒鴉啼野日落葉下庭柯禹
穴探雲得荆臺聽雨多遲留成古意聊欲託高歌

波浪魚龍狎蓴鱸得及秋停雲日東望一舸獨西游落
木寒蟬晚回風去鳥愁因君問耆舊早晚發荊州

生事悲行役深吟不放聞望君江上棹相憶雨中山秋
水生孤艇浮雲殢故關吾行亦無定潦倒笑塵顏

于役辰州爲王太學題瀟湘話別圖送其歸江南

楓葉微黃柳半青
晚來離思滿江亭
亂山如馬隨君楫
秋雨秋風過洞庭

桐蔭堂前老樹枝
石欄冰碗伴題詩
寒窗夜雨聽蕭瑟
他日思君是此時

清湘水接大江流
黯澹雲山渺欲愁
歸去天涯最相憶
芒屨采藥入辰州

贈周荇農兄赴呂觀察幕

小園三載日此別
萬重雲幕府何年
免寒暄去後分片
帆風有待長夜雨
多聞惟有飄零淚
含悽一送君

訪陳

慧基

常德兼晤吳

登書

三年兩入桃溪水布襪青鞵一訪君
偶向江干踏黃葉卻來湖上話歸雲
雨餘人去兼葭遠霜過寒生雁鷺分
往日遊塵問吳質水流風散不堪聞

清浪灘

洪湍激槎枻百折無一卻顛風壓已伏怪石悶猶攫老蛟
徙長河風雷鬱相搏貫穿萬山穴飛灑出岩壑千年落蠻徼
禹功失疏鑿鞭之不肯回恣意森噴薄奔猱挾巨塊悶怒向我落
般頭立軒昂千夫失揮霍山腰有懸構梯空入巉削聞灘不知險羨彼山頭雀

桀灘

前灘猛交拒後灘洶復抵眾險爭一門湍疾不容指何
年始疏瀹萬壑爲披靡蛟龍不敢藏夜半風雷徙化爲
槎朽石破散落蠻水但聞咆哮聲蓄怒今未已掀波乘
長風渟毒何邐迤誼厖一寸隘旋擗奔如駛突出阻重
關斗進湍飛雨轉舵貪流光從爾泛清泚

橫石灘

四山晴無雲湍雨散飛瀑灘頭得橫石水勢始一束孤
湍鬬眾險差峩鬱相觸轟如萬馬奔扼若九蛟伏我舟
落盤渦出險在神速戛摩攢萬戟偈仄纔一蹴長河利

石菑移爾宜房曲空此恣蟠屈設險勢亦促浩蕩天地
間無用側吾足

九溪灘

侵晨聞澎湃哀湍浩猶瀉九溪多毒淫積石變紅赭峻
壁踏江翻飛崖截雲下眈眈虎狼居寂寂魚龍夜馬侯
屯兵地溪水日瀟灑天吳爲埽塵驅石如驅馬遺鞭墮
山澗忽已成松檟至今變灘聲撞擊不相假雲蘿入黠
黠噴薄胡爲者空令過者愁揮淚動盈把

書陶園詩集後

吾於楚南士一一評隲之老輩窺歐九生平識鄧芝頗

聞張大令氣壓李西涯今日親風雅披吟一繫思
阮亭師杜甫秀水近昌黎遺響先生在高才李白齊諸
人皆俎豆此集尙塗泥述古吾曹事捫思一愴悽
遺稿歸殘劫收羅付後賢祇今爲感惜不及手親編樸
拙憐吾楚沈埋竟百年兩周吾邑彥殘集近流傳

次韻徐

朝彝

西風吹雨響潺潺江上懷人爲愴顏九死猶聞斯老在
三年不見尺書還見愁淮海烽傳火一臥江關雪滿山
讀罷君詩成一痛短衣飄泊尙人間

夜聞鄰舍吹簫

初月隱庭樹寒簫聽轉哀微風殷地發千峽散波回人語低南屋松陰繞廢臺王褒落蠻徼欲賦已無才

寄呈羅學使浙江兼簡幕中諸子

頑星墮地如流矢與我周旋二十年近覓南湖堪隱几曾遊東海掉行船浮生出入風塵裏數載驚皇矢石前今日西湖秋正滿一尊相屬水如天

定香亭畔野梅開雪後提壺日日來無數蒼顏對紅葉不辭短髮勸深杯白魚鱖鱖衝波上翠羽關關拂樹回欲假灘聲達滄海知予霜冷伴猿哀

消息經年到敝廬南樓蹤跡近何如桑榆未老人歸後

橘柚新黃雁落初
逋客未妨千里遠
亂峯還擁一城居
蠻煙瘴雨吾生慣
桐木山頭好著書

寄唐孝廉

治江南

句曲神仙宅
唐衢舊結廬
從來一書劍
翻去事樵漁
淺水生秋稻
西風落野蔬
飢人妨耳熱
一飽已無餘

道在潛夫論
流傳復幾人
偶隨滄海使
東與聖湖鄰
戎馬塵蒙路
關河涕滿巾
西曹一書記
潦倒笑陳遵

鷹隼秋逾鷺
人前忽此翁
誰能衰白日
直取古人風
烏帽飛揚入
深衣睥睨雄
憑杼江海眼
渺渺過沙蟲

兩載愁西虜
懸軍碣石開
虎狼深內地
魚鳥上邊臺
阮

瑀陳畱長張充禹穴回倉皇兼矢石次第望歸來

時論分工拙滔滔祇一流偏君能感激餘子日啁啾海
日雲常慘江城樹易秋三年心耿耿持此欲何求

人事兼疏嬾虛聞弱冠年寸心如落木八口望歸田倦

馬眠秋雨飢鳥下暝煙因書傳別淚早晚報秦川

謂李君應

垣

沅江晚泊

殘霞半沒月半生舟人繫纜望江城城外人家隱深樹
歷歷風光舊遊處三年江上送殘暉城郭猶是人民非
張君退老曹君死予髮蕭蕭亦如此當時惟有望諸君

白頭意氣凌風雲共指城頭江水白人去人來如一日
瀟瀟風雨馬王灘苦憶江湖行路難欲識此心無住著
試看雲山繞江郭